



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), člana 6 Zakona o Pravosudnoj komisiji Brčko distrikta BiH (Službeni glasnik Brčko distrikta BiH, broj 19/07), i Obavještenja Pravosudne komisije Brčko distrikta BiH o isteku mandata člana Pravosudne komisije iz reda građana, broj: SuPK-939/11 od 5. 7. 2011. godine, Skupština Brčko distrikta BiH na 49. redovnoj sjednici održanoj 13. jula 2011. godine, donosi

**ODLUKU  
O POKRETANJU POSTUPKA IZBORA I IMENOVANJA  
ČLANA PRAVOSUDNE KOMISIJE BRČKO DISTRIKTA BiH IZ REDA GRAĐANA BRČKO  
DISTRIKTA BiH**

**Član 1**

Ovom odlukom pokreće se postupak izbora i imenovanja člana Pravosudne komisije Brčko distrikta BiH iz reda građana Brčko distrikta BiH.

**Član 2**

Zadužuje se Komisija za izbor i imenovanje i mandatno-imunitetska komisija Skupštine Brčko distrikta BiH da u sredstvima informisanja odmah objavi javni poziv za prijavljivanje kandidata, izvrši selekciju i intervjuisanje prijavljenih kandidata i Skupštini Brčko distrikta BiH da preporuku za imenovanje najuspješnijeg kandidata.

**Član 3**

Uslovi i rokovi za izbor člana Pravosudne komisije Brčko distrikta BiH iz reda građana Brčko distrikta BiH određeni su Zakonom o Pravosudnoj komisiji Brčko distrikta BiH.

**Član 4**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-442/11  
Brčko, 13. jula 2011. godine

**PREDSJEDNIK  
SKUPŠTINE BRČKO DISTRIKTA BiH**

**Esad Atić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za izbor i imenovanje i mandatno-imunitetskoj komisiji
- 5) Pravosudnoj komisiji Brčko distrikta BiH
- 6) Sektoru za koordinaciju politika i opće poslove  
- Odsjeku za opće poslove
- 7) Arhivi